

In is ùrtimus duus annus difatis, gràtzias a sa Lei Regionali n.3 de su 2009 s'est potzida isperimentai sa limba sarda comenti a limba veicolari in is iscolas po fai cali si siat matèria de su programma de iscola comenti a matemàtica, istòria, geografia, iscièntzias.

Is pipius ant pòtzidu duncas imparai su programma curriculari de sa classi de s'iscola insoru de istòria, de geografia, de iscièntzias o de educatzioni alimentari chistionendi cun sa maistra o intendendi sa maistra fueddai in sardu o mancai cumpillendi ischedas cuncordadas in sardu.

Su sardu est fintzas istadu postu impari in interdisciplinariEDADi cun inglesu o italianu: unu traballu e una esperièntzia bella meda e de importu mannu!!

Novas Baressesas at a bessiri prus o mancu una borta a su mesi e s'at podi arritziri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu serviziocultura@comune.baressa.or.it iscriendi su nòmini, su sangunadu e "bollu arritziri *Novas baressesas*".



l'altra cultura
Società Cooperativa

Comunu de Baressa

Provìntzia de Aristanis

Sa redatzioni de *Novas Baressesas* dda contivìgiat su

Servìtziu linguìsticu sardu sighidu dae sa Sotz.
Coop « L'Altra Cultura »
e dae s'Assessoradu a sa Cultura
de su Comunu de Baressa.

S'isportellu linguìsticu est a disponimentu de tzitadinus, maistrus de iscola, professoris e istudentis po cali si siat informatzioni, profundamentu, duda e curiosidadi subra de sa limba sarda, po consulèntzias didàticas e po consillus chi pertocant is règulas de iscritura de su sardu.

Su Servìtziu est abertu:

DII	ORÀRIU
Ònnia martis	08.00 – 12.30
A cida a cida	12.10 – 17.00



Comunu de Baressa
Provìntzia de Aristanis

***Novas
Baressesas***

☎ 0783-930049 Fax 0783-930118
e-mail: info@comune.baressa.or.it

Folliu periòdicu de informatzioni
istitutzionali de su Comunu de Baressa

**Responsabilidadi e proprietadi de su
Comunu de Baressa (or)**

Annu IV, n. 5

Acabbadu su 25 de onniasantu de su 2014

PREGUNTAS CHI PERTOCANT SA LIMBA SARDA

Ita si depit fait po fai
arreconosci de sa Lei
ca in bidde si
fueddat su sardu?

Ddu podit domandai a su
mancu su 15% de is
tzitadinus chi podint
votai de is comunus chi
tenint una limba de
minoria o una de is tres
partis de is cussilleris



Po ndi sciri de prus...

- Ita si depit fai po fai
arreconosci ca in unu Comunu
si fueddat una limba de
minoria?

Po s'articulu n° 3 de sa Lei
482/99 in is Comunus in ui benit
fueddada una de is limbas de
minoria allistadas de sa Lei, est
possibili a dd' arreconosci si ddu
domandat a su mancu su 15% de

is tzitadinus chi podint votai o
una de is tres partis de is
cussilleris comunalis. O puru, is
chi tenint tìtulu po ddu fai,
podint promovì una consultatzioni
de tzitadinus residentis chi, si
funt a favori, podint pediri
s'arreconoscimentu de sa minoria
linguistica e otènniri aici su
profetu de is agiudus econòmicus
prevedius de sa
Lei po avalorai
custa limba in su
territòriu
insoru.

Eja! Su maistu o su
professori podint fai
letzioni de cali si siat
matèria in sardu. O
podint fai progetus po
insenniai su sardu a is
piciocheddus.

Si podit fai letzioni in
sardu in iscola?



Po ndi sciri de prus...

- Si podit fai letzioni in sardu
in iscola?

Eja si podit! Po s'articulu n°4
de sa lei 482/99 su maistu de
iscola o su professori podint fai
letzioni de cali si siat matèria
chistionendi in sardu, chi podit
èssiri aici manigiau po comunicai,
educai e insenniai. Podint fai puru
progetus, aintru de s'oràriu de
iscola, po insenniai a fueddai e
iscritti sa limba sarda a is
piciocheddus cun su permissu de
is mammas e is babbus insoru.
S'articulu n°6 de custa lei narat
chi fintzas in s'Universidadi si
podint fai cursus de limba e
cultura de is limbas de minoria in
is logus in ui custas si fueddat.
Fintzas su tìtulu IV de sa lei
26/97 chistionat de progetus in
s'iscola e in s'Universidadi chi
pertocant sa limba sarda.